

**2 Kadoewa ti Moesa 35:31 Ari eta teh koe Pangeran geus dipinoehau Roh Jehovah; dipaparin kapinteran, kabinangkitan djeung pangabisa, ngarti saroepaning pagawean.**

**4 Kaipat ti Moesa 11:25 Tidinja Pangeran loengsoer dina mega teja, seug ngandika ka Moesa; sarta andjeunna njandak tina Roh anoe di Moesa, diteundeun ka noe toedjoeh poeloeh djalma, noe djaradi kokolot teja. Geus kitoe, mangsa eta dilinggihan Roh, seug pada ngawedjang, tapi hanteu deui-deui.**

**1 Kahidji ti Samoeel 10:6 Seug andjeun bakal disoempingan Roh Pangeran, djeung bakal ngawedjang reudjeung eta, sarta andjeun bakal disalin pikir, djadi sedjen djeung tadi.** **2 Kadoewa ti Samoeel 23:2 Roh Pangeran ngandika lantaran kaoela, sarta lahiranana aja dina biwir kaoela.**

**Ajoeb 33:4 Roh Jehovah noe ngadamel kaoela; nja ambekan ti noe Moerbawisesa noe ngahiroepkeun kaoela.**

**Jesaja 11:2 Sarta eta teh bakal dilinggihan Roh Pangeran, Roh kapinteran djeung pangartian, Roh tarekah djeung kawasa, Roh kanjaho djeung kasijeunan koe Pangeran.**

**Mika 3:8 Sabalikna kaoela mah pinoeh koe kakoewatan, nja eta Roh Pangeran; djeung pinoeh koe hoekoem, sarta koe kagagahan, baris ka Jakoeb ngoewarkeun kamasijsatanana, ka Israil ngoewarkeun dosana.**

**Djakaria 4:6 Ngawalon deui malaikat, kijeu walonanana ka kaoela: Ijeu pangandika Pangeran ka Seroebabel, kijeu pangandikana: Lain koe perkosa, lain koe kakoewatan, istoening koe Roh kami bae, timbalan Pangeran sawadya-balad.**

**Mateus - Mateoes 12:28 Tapi lantaran Kami ngusir setan teh ku kawasana Ruh Jehovah, ceuk Kami ka maraneh: Eta nandakeun yen Karajaan Jehovah teh geus tepi ka aranjeun.**

**Mateus - Mateoes 28:19 Ku sabab eta, maraneh kudu iang, kabeh bangsa kudu dijadikeun murid Kami sarta kudu dibaptis kalawan jenengan Rama, Putra, jeung Ruh Jehovah.**

**Markus - Markoes 1:10 Sanggeus hanjat ti cai, ngadak-ngadak brah bae langit beulah; terus aya nu turun siga japati, nya eta Ruh Jehovah; tuluy eta anu siga japati teh, eunteup ka Anjeunna.**

**Markus - Markoes 13:11 Jeung deui, lamun maraneh digiring dijagragkeun ka pangadilan, teu kudu bingung ku picaritaeun. Pokkeun bae sakumaha kereteg hate dina waktu harita. Sabab anu bakal cacarita teh lain maraneh, tapi Ruh Jehovah.**

**Lukas - Loekas 2:26 sarta kenging pituduh ti Ruh Jehovah, yen moal waka pupus samemeh ningali Al Masih, Jungjunan urang tea.**

**Lukas - Loekas 4:1 Sanggeus hanjat ti Ciyordan, Isa pinuh ku Ruh Jehovah. Ku Ruh Jehovah terus dicandak ka gurun keusik.**

**Lukas - Loekas 4:18-21** “Ruh Pangeran nangtayungan Kami. Kami ku Anjeunna dijenengkeun, pikeun ngumumkeun yen: Kaom sangsara bakal barungah. 19 Kami diutus pikeun ngumumkeun yen: Tawanan-tawanan bakal merdika, nu lalolong bakal awas, anu dikaniaya bakal dibebaskeun. Jeung ngumumkeun, yen ayeuna teh jaman anu kamanah ku Pangeran.” 20 Kitab ditutupkeun, dipasihkeun ka pejabat; Anjeunna gek linggih, dipalencrong ku sajamaah. 21 Galindeng ngawulang, saur-Na, “Ayat nu bieu kakuping, poe ieu geus bukti.”

**Lukas - Loekas 12:11,12** Lamun maraneh dijagragkeun ka majelis-majelis, ka pamarentah, atawa ka pembesar-pembesar, ulah bingung kumaha ngomongna enggoning ngabela diri. 12 Sabab waktu eta keneh oge, Ruh Jehovah tangtu mere piomongeun.”

**Yahya - Johannes 7:38,39** Saha-saha anu percaya ka Kami, sakumaha cek Kitab Suci: Dina hatena bakal aya cinyusu anu hirup.” 39 Anu dimaksud ku Anjeunna teh, nya eta Ruh anu bakal ditarima ku anu percaya ka Anjeunna. Harita mah, Ruh teh acan lungsur sabab Isa acan dimulyakeun.

**Yahya - Johannes 14:16,17,26** Kami rek menta ka Ama, supaya maraneh dibere pikeun pigantieun Kami, hiji Pangaping anu baris ngalilipur sarta ngaping maraneh sapapanjangna. 17 Eta Pangaping teh, nya eta Ruh Kayaktian, anu ku dunya umumna mah moal diaku lantaran teu warawuheun jeung teu nyarahoeun. Maraneh mah tangtu warawuh, tangtu diaping ku Anjeunna anu baris ngancik sajeroning hate. 26 Engke, anu geus diomongkeun ku Kami teh baris diwurukkeun, ditetelakeun ka maraneh ku Anjeunna, nu baris ngaping maraneh tea, nya eta Ruh Jehovah, anu baris diutus ku Rama kalawan pamenta Kami.

**Yahya - Johannes 16:7,8,13-15** Tapi masing percaya, Kami iang teh hade temahna ka maraneh. Sabab lamun Kami henteu iang, nu baris ngaping teh moal sumping. Sabalikna, mun Kami iang, nya Kami nu baris ngutus Anjeunna ka maraneh. 8 Di mana Anjeunna geus sumping, baris nginsafkeun umat dunya kana dosa-dosana, kana kayaktian, jeung kana kaadilan. 13 Engke bae, ari Ruh Kayaktian tea sumping, tangtu maraneh ku Anjeunna ditungtun kana hal-hal anu saestuna. Sabab Anjeunna, moal sasaur-saurna; anu bakal disaurkeunana teh, kabeh oge, sakur anu geus kadangueun ku Anjeunna sarta ka maraneh baris nuduhkeun hal-hal anu bakal kajadian. 14 Anjeunna baris ngamulyakeun ka Kami, ku jalan nerangkeun ka maraneh sakur nu ku Anjeunna geus katarima ti Kami. 15 Sakur anu jadi kagungan Rama, jadi milik Kami ongkoh. Eta sababna, cek Kami bieu: Anjeunna bakal nerangkeun sakur nu ku Anjeunna geus katarima ti Kami.

**Yahya - Johannes 20:21,22** Isa nyarios deui, “Mugia maraneh salamet! Sakumaha Rama geus ngutus ka Kami; Kami oge, ayeuna, rek ngutus

**maraneh.” 22 Geus kitu, murid-murid teh ku Anjeunna ditiu sarta tuluy nyarios, “Geura tarampa ieu Ruh Jehovah.**

**Carios Padamelan - Para Rasoe 1:2,5,8 Samemeh mi’rad, ku kawasana Ruh Jehovah, Anjeunna maparin parentah-parentah ka rasul-rasul anu geus dipilih ku Anjeunna. 5 Ari Yahya ngabaptis teh ku cai, tapi maraneh mah sakeudeung deui oge bakal dibaptis ku Ruh Jehovah.” 8 Ngan di mana Ruh Jehovah tea geus lungsur nyarengan, maraneh bakal meunang kawasa sarta jaradi saksi-saksi Kami di Yerusalem, di sakuliah Yudea, jeung Samaria, tug nepi ka tungtung bumi.”**

**Carios Padamelan - Para Rasoe 2:1-4 Dina poe Pentakosta, sakabeh jelema-jelema anu geus percaya, karumpul di hiji tempat. 2 Dumadakan aya sora ti langit, ngaguruh lir angin barat; sorana minuhan sakuliah imah anu keur dicaralikan tea. 3 Breh bae, katembong ku aranjeunna, aya anu pating suliwer mangrupa letah-letah anu harurung lir seuneu; tuluy eta letah-letah anu harurung lir seuneu teh areunteup ka aranjeunna. 4 Eta teh cirining yen aranjeunna geus kalinggihan Ruh Jehovah; tuluy bae, aranjeunna teh salasauran dina rupa-rupa basa numutkeun gerak ti Ruh Jehovah tea.**

**Carios Padamelan - Para Rasoe 2:17-19 Kieu dawuhan Jehovah: Engke dina jaman ahir, Kami rek ngucurkeun Ruh Kami ka sakabeh manusa; anak maraneh, boh lalaki, boh awewe, bakal barisa narubuwat, barudak ngorana mareunang ilapat, nu karolotna baris mareunang tetenjoan dina impian-impian. 18 Jeung dina jaman ahir tea, Kami arek ngucurkeun Ruh Kami ka abdi-abdi Kami boh anu lalaki, boh anu awewe; maranehna bakal narubuwat. 19 Sarta di luhur, di langit, Kami rek ngayakeun mujijat-mujijat, ari di handap, di bumi, rek ngayakeun tanda-tanda: getih, seuneu, jeung haseup meledug. (Joel 2:28,29)**

**Carios Padamelan - Para Rasoe 33,38 Sanggeus Anjeunna dijungjung ku panangan tengen Jehovah sarta nampi Ruh Jehovah anu geus dijangjikeun tea; kiwari, eta Ruh teh, ku Anjeunna dikucurkeun; sakumaha anu ayeuna kataringal jeung kakaruping ku aranjeun. 38 Diwaler ku Petrus, “Kudu tarobat jeung kudu daraek dibaptis kalawan pajenengan Isa Al Masih, supaya dosa aranjeun dihampura; mun geus kitu, tangtu aranjeun bakal narima Ruh Jehovah.**

**Carios Padamelan - Para Rasoe 4:31 Sabot-sabot rasul-rasul neneda kitu tempat aranjeunna kumpul teh ngariyeg inggeung sarta aranjeunna kalinggihan ku Ruh Jehovah. Nepi ka ludeung ngembarkeun pangandika Jehovah.**

**Carios Padamelan - Para Rasoe 8:15-17 Sasumpingna, aranjeunna neneda, nyuhunkeun supaya urang dinya pada-pada ginanjar Ruh Jehovah. 16 Sabab harita mah, Ruh Jehovah acan turun ka saurang-urang acan di Samaria teh. Maranehna kakara dibaptis ku pajenengan Isa bae. 17 Sabada ku anu duaan ditarumpangan panangan, kakara maranehna ginanjar Ruh Jehovah.**

**Carios Padamelan - Para Rasoe 8:39 Pilipus mah, barang hanjat ti cai, teu**

**katingal deui ku mantri jero lantaran digaibkeun ku Ruh Pangeran. Ti dinya, mantri jero, terus ngalajengkeun perjalanan bari pinuh ku kabingahan. (1 Para Radja noe Kahidji 18:12)**

**Carios Padamelan - Para Rasoe 9:31** **Ti semet harita, pikeun sawatara lilana, jamaah-jamaah di sakuliah Yudea, Galilea, jeung Samaria bisa nyeunghap aya dina katengtreman. Jamaah teh, ngadeg jeung hirupna aya dina rasa wedi asih ka anu jadi Gustina. Bilanganana oge beuki jembar bae ku lantaran pangdeudeul jeung panglilipurna Ruh Jehovah.**

**Carios Padamelan - Para Rasoe 10:44,45** **Sabot Petrus cacarios, Ruh Jehovah lungsur ka nu keur karumpul ngabarandungan. 45 Pangiring Petrus ti Yopa, nya eta rencang-rencangna anu saiman ti golongan anu disunat, batih arolo-hok; pamikirna, geuning bangsa sejen oge sarua ginuluran Ruh Jehovah.**

**Carios Padamelan - Para Rasoe 11:15** **Sabot bapa caculara di dinya, Ruh Jehovah lungsur ka maranehna, kawas ka urang-urang tea, bareto.**

**Carios Padamelan - Para Rasoe 13:52** **Ari murid-murid anu di Antioki, hatena, pinuh ku rasa bagja jeung ku Ruh Jehovah.**

**Carios Padamelan - Para Rasoe 19:6** **Sabot keur ditarumpangan leungeun ku Paulus, lungsur bae Ruh Jehovah ka maranehna; tuluy maranehna barisa nyarita ku basa ajib jeung narubuwat.**

**Carios Padamelan - Para Rasoe 20:23** **Iwal ti anu digambarkeun ku Anjeunna, ka simkuring, yen di unggal tempat anu didatangan, simkuring teh keur didago ku panjara sarta didodoho ku sangsara.**

**Rum 5:5 Eta pangharepan teh, moal matak kaduhung ahirna; sabab urang geus meunang sih kurnia Jehovah, nya eta Ruh Jehovah anu ngancik di jero hate.**

**Rum 8:9 Sabalikna, lamun aranjeun kaancikan ku Ruh Jehovah, mustahil beunang kaperuhkeun ku pangajak badani; anu diturut teh tangtu pangajak Ruh. Anu henteu kaancikan ku Ruh Al Masih, tangtu lain kagungana-Na.**

**Rum 8:13-16 Kapan hirup nurutkeun badani mah, temahna teh paeh. Jadi, kahutangan teh ku Ruh, anu maehkeun jasad nu pinuh ku dosa sarta anu nungtun kana sajatining hirup. 14 Kabeh jalma anu nurut kana panuyun Ruh Jehovah, jadi putra-putra Jehovah. 15 Hartina: Bebas tina perbudakan anu pinuh ku kasieun, dumeh geus nampa Ruh anu ngalantarankeun urang jadi putra-putra Jehovah tur laluasa nyebut ‘Abba, Ama,’ ka Jehovah. 16 Ruh teh ngayakinkeun hate urang, yen urang teh memang putra-putra Jehovah.**

**Rum 8:26 Dina keur lemah, urang teh dideudeul ku Ruh tea. Sabab urang mah teu terang, kudu kumaha neneda teh; nya Ruh tea anu mangnedakeun urang ka Jehovah teh: Nepikeun kereteg-kereteg hate anu henteu kakedalkeun ku urang.**

**Rum 15:13 Mugia iman aranjeun ginanjar kabagjaan jeung katengtreman ti Jehovah, supaya ku kawasaning Ruh Jehovah pangharepan aranjeun tambah manteng jeung tambah manteng bae.**

**Rum 15:19 sarta ku tanda-tanda ajaib, mujijat-mujijat, jeung pangawasaning Ruh Jehovah. Simkuring ngawawarkeun Injil Kasalametan teh, estu nepi ka tutugna: Mimiti ti Yerusalem jeung sakurilingeunana, tug nepi ka llirikum.**

**1 Kahidji Korinta 2:10-13 Eta rasiah Jehovah, ka urang mah, geus ditembrak-keun ku Ruh Jehovah. Sabab pikeun Ruh mah, teu aya hal anu buni; sana-jan ayana dina manah Jehovah. 11 Saha pijalmaeunana anu terang kana eusi hate, iwal ti roh jelemana anu ngancik dina dirina? Kana eusi manah Jehovah oge, moal aya anu terang, iwal ti Ruh Jehovah ku manten. 12 Ari Ruh anu katampa ku urang teh, lain asal ti dunya ieu; tapi asal ti Jehovah nyalira, nepi ka urang ngarasa enya-enya kana sih kurnia-Na anu sakitu murah asihna. 13 Perkara ieu, ku simkuring dicaturkeunana lain ku akal pikiran sorangan, tapi nurutkeun pituduh Ruh Jehovah. Sabab anu dicarita-keun ku simkuring teh, hal-hal rohani pikeun anu geus mareunang Ruh.**

**1 Kahidji Korinta 3:16 Na can aruninga, yen aranjeun teh bait panglinggihan Jehovah; nya tempatna Ruh Jehovah.**

**1 Kahidji Korinta 6:11 Kalakuan-kalakuan anu teu balener saperti kitu teh, bareto, aya di aranjeun. Sukur, ayeuna mah, aranjeun geus beresih dikumbah, disucikeun, sarta geus diangken bener ku karana jenengan Isa Al Masih, Gusti Jungjunan urang, jeung ku Ruh Jehovah Pangeran urang.**

**1 Kahidji Korinta 12:3 Ku sabab eta, aranjeun ku simkuring rek diyakinkeun; ari jalma anu dituyun ku Ruh Jehovah mah, pamohalan nyebutkeun: ‘Al Masih jelema dila'nat.’ Sabalikna, jelema anu henteu dituyun ku Ruh Jehovah, pamohalan nyebut ‘Gusti Jungjunan’ ka Isa.**

**2 Kadoewa Korinta 3:17 Ari Gusti teh nya eta Ruh tea. Di mana aya Ruh Gusti tangtu aya kamerdikaan, nya eta taya anu ngahalangan.**

**2 Kadoewa Korinta 13:14(13) Mugi-mugi aranjeun ginanjar sih kurnia Isa Al Masih, Gusti Jungjunan urang, mendak welas asihing Jehovah, di jero katunggalan Ruh Jehovah.**

**Galata 4:6 Buktina yen urang jadi putra-Na teh nya eta hate urang geus kawidan diancikan ku Ruh Putra-Na Nu nyambat kieu ka Jehovah: Ama nun Ama!**

**Epesus - Epesoes 1:13,14 Dina kamanunggalan jeung Al Masih oge, Aranjeun teh percaya sanggeus meunang uaran anu sajatina hal pisalameteun aranjeun; dina kamanunggalan jeung Al Masih oge, Aranjeun teh, geus diterapan cap Ruh Jehovah sakumaha anu geus dijangjikeun. 14 Ruh Jehovah teh, jadi pamanjer tina warisan urang pamanjer tina kamerdikaan umat Jehovah anu sagembengna. Hayu urang ngamulyakeun kaagungan Jehovah.**

**Epesus - Epesoes 2:18 Nya ku karana Al Masih, nu Yahudi jeung nu lain Yahudi dibeungkeut dina hiji Ruh sarta widi dumeuheus ka Jehovah nu jumeneng Rama.**

**Epesus - Epesoes 4:30 Ulah nyiar-nyiar pinolangsaeun Ruh Jehovah nu suci; da aranjeun teh enggeus disegel ku Mantenna pikeun tanda dina poean aranjeun narima kasalametan.**

**1 Kahidji Tesalonika 4:8 Ku sabab eta, sing saha anu teu malire kana eta katangtuan, lain teu malire kana aturan jelema; tapi teu malire kana aturan ti Jehovah, anu geus maparinkeun Ruh Jehovah anu suci ka aranjeun.**

**1 Kahidji Tesalonika 5:19 Poma ulah mareuman Ruh.**

**2 Kadoewa Tesalonika 2:13 Dulur-dulur, kakasih Gusti! Nilik kana kaayaan aranjeun, simkuring wajib muji sukur ka Jehovah. Sabab aranjeun teh, asup kana golongan jalma-jalma nu dipilih Jehovah pikeun disalametkeun pangheulana: Ku jalan disucikeun ku kawasaning Ruh jeung ku sabab aranjeun percaya ka nu sayakti. (1 Kahidji Petrus - 1 Petroes 1:2)**

**Titus - Titoes 3:5,6** kersa nyalametkeun ka urang. Lain pedah urang hade laku; tapi eta mah, saestu ku karana sih piwelas-Na bae; Ari Mantenna nyalametkeun urang teh, nya eta ku jalan urang geus enya-enya narima baptisan anu ngalambangkeun yen urang teh geus ngajadi hiji jelema anu anyar dijurukeun sarta narima hirup anu salawasna dianyarkeun ku Ruh Jehovah. **6 Eta Ruh Jehovah, dipaparinkeun ku Jehovah ka urang teh tanpa wates wangen, ku perantaraan Isa Al Masih, Juru Salamet urang.**

**Ibrani 2:4** Tur, hal eta teh, dikuatan ku Jehovah ku manten anu mintonkeun rupa-rupa tanda ajaib, mujijat-mujijat, jeung dadamelan-dadamelan anu araheng. Lian ti eta, Jehovah teh ngurniakeun Ruh Jehovah, numutkeun pisapuk manah-Na.

**Ibrani 10:15 Hal eta ku Ruh Jehovah diterangkeun kieu ka urang:**

**1 Kahidji Petrus - 1 Petroes 1:2 Dulur-dulur, anu geus kapilih numutkeun pangersana Jehovah, Rama; anu geus disucikeun ku Ruh Mantenna, dianutkeun ka Isa Al Masih anu ngaberesihan dulur-dulur, ku getih-Na. Mugi sing marendak rahmat rahayu.**

**2 Kadoewa Petrus - 2 Petroes 1:21 Sabab taya hiji nubuwat beubeunangan uteuk manusa. Nabi mah darma ngucapkeunana sarta ngucapkeunana ge salawasna kalawan pajenengan Jehovah; sabab kedalna teh, ku pangjurungna Ruh Jehovah.**

**1 Kahidji Yahya - 1 Johannes 4:2 Pikeun nganyahokeunana kieu: Lamun enya, Ruh dina dirina teh Ruh Jehovah, tangtu ngaenyakeun yen Al Masih geus sumping ngajadi manusa.**

**1 Kahidji Yahya - 1 Johannes 5:7,8 Jadi, aya tilu saksina, nya eta 8 Ruh Jehovah, cai, jeung getih. Panyaksen anu tilu teh, kabeh sapagodos.**

**Yudas - Joedas 1:20 Masing tagen, paramitra! Masing ajeg madeg dina dasarim iman anu pang suci-sucina, bari muntang kana kawasaning Ruh Jehovah.**